

[Home](#) / [2025](#) / [November](#) / [Inisiatif Pengumpulan Minyak Masak Terpakai: Memacu Kelestarian Alam](#)

SINERGI

14/11/2025 / NUR AINUL SHUHADA MOKHTAR



Bertam, 24 Oktober 2025 -Kelab **Persatuan Pelajar Kesihatan Persekitaran (EHSAn)** dan **Jabatan Kesihatan Persekitaran**, Universiti Teknologi MARA (UiTM) Cawangan Pulau Pinang Kampus Bertam, dengan kerjasama **Arus Oil Sdn. Bhd.**, telah berjaya menganjurkan **Program Pengumpulan Minyak Masak Terpakai** selama dua hari bagi meningkatkan kesedaran warga kampus dan komuniti setempat tentang kepentingan kitar semula minyak masak terpakai pada 18 & 19 Oktober 2025 .

Program ini dirasmikan oleh **Dr. Tengku Nilam Baizura binti Tengku Ibrahim**, Penasihat 1 Kelab EHSAn, dan turut dihadiri wakil industri, **Encik Azim bin Samsir** dari Arus Oil Sdn. Bhd., bersama pensyarah, kakitangan dan pelajar UiTMCPP.

Matlamat utama program ini adalah menyediakan platform yang selamat dan efektif untuk

menguruskan sisa minyak masak, sekali gus mengurangkan pencemaran alam sekitar dan menyokong amalan ekonomi kitaran. Sepanjang pelaksanaan, sebanyak **234.85 kg minyak masak terpakai** berjaya dikumpul daripada warga kampus dan komuniti sekitar, dengan nilai pulangan sebanyak **RM657.58** yang disalurkan kepada peserta sebagai galakan.



Kerjasama dengan **Arus Oil Sdn. Bhd.** memastikan proses pengumpulan dan kitar semula berjalan lancar. Minyak masak terpakai yang dikumpul akan diproses menggunakan teknologi mesra alam untuk menghasilkan produk seperti biodiesel, selaras dengan usaha mengurangkan jejak karbon.

Kejayaan program ini membuktikan komitmen UiTM CPP dalam mempromosikan gaya hidup hijau dan kelestarian alam sekitar. Inisiatif ini bukan sahaja mengurangkan risiko saluran perparitan tersumbat, tetapi juga menyumbang kepada kualiti persekitaran yang lebih bersih dan lestari. UiTM CPP berhasrat untuk meneruskan program seumpama ini pada masa hadapan demi memastikan kelestarian alam sekitar terus terpelihara.



Tags: [Arus Oil Sdn. Bhd.](#), [UiTM Cawangan Pulau Pinang Kampus Bertam](#),

FSK UiTM Jalin Kerjasama Strategik
Dengan Universitas 'Aisyiyah dan
Airlangga

Program "Bridging STEM and
Innovation" Semarakkan Minat
Pelajar Terhadap Teknologi

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA
(UiTM)
40450 Shah Alam, Selangor
Darul Ehsan
Malaysia

Tel: +603-5544 2051 / 2000

